

Cannabisoliat CBD-mik (cannabidiolimik) imallit aamma annerpaamik 0,2 % THC-mik (tetrahydrocannabinolimik) imallit unioqqutitsinertaqanngitsumik pisiarinqarsinnaanngornissaannut nioqqutigineqarsinnaanngornissaannut kiisalu eqqunneqarsinnaanngornissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Annerpaamik 0,2 procentimik THC-mik akulinnik cannabisimik nioqqutissiat (tassani cannabisolia aamma eqqarsaatigalugu) inerteqqutaajunnaarsinnissaannik Naalakkersuisut suliniuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqtigiit)

Danskit misileraanerattut ittumik nakorsat ataasiakkaat immikkut akuersissummik piniaqqaaratik nakorsaattut akuerisaanngitsumik cannabisimik nakorsaasiillutik nakorsaanissamik periarfissaqarlersillugit misileraanermik aallartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqtigiit)

Akissuteqaat

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Aappassaaneerpeqarnera

Naalakkersuisut Inuussutissarnersiornermut Aatsitassanullu Ataatsimiititaliaq aamma Ilaqtariinnermut Peqqissutsimullu Ataatsimiititaliaq qulaani aalajangiiffigisassatut siunnersuummut 59, 128, 134, ataatsimut oqaluuserineqartussanut suliaqarluarsimanerannut qutsavigaat.

Naalakkersuisut maluginiarpaat ataatsimiititaliat marluusut siunnersuutit akuersissutigineqarnissaanut isumaqtigiittumik inassutigigaat.

Tamanna tunngavigalugu Naalakkersuisut inatsisissatut siunnersuummik suliaqaleruttorput, tassani cannabisimik nioqqutissiat THC-mik akui 0,2% tikillugu atorineqarsinnaalerneranik periarfissiisumik. Siunnersuut UPA 2020-mi saqqummiunneqarnissaa naatsorsuutigineqarpoq.

Ilaqtariinnermut Peqqissutsimullu Ataatsimiititaliap piumasaqaataat malillugu Naalakkersuisut danskit cannabissip nakorsaattut atorineqarnissaa pillugu misiligutitut aaqqissuusinerannut nunatta ilanngunneqarnissaa pillugu Naalakkersuisut misissuinerannik ataatsimiititaliaq ilisimatittarnissaanik neriorsuipput.

Tamakku tunngavigalugit siunnersuutit akuersissutigineqarnissaat Naalakkersuisut inassutigigaat.